



















76 *Practiques contre l'Alliance de la gneurs, ne pretendent de vous que vostre amitié, ils desirent vostre vnyion, & vostre prospérité, pour la bien-veillance, & pour l'affection qu'ils vous portent : mais afin qu'aucun n'en puisse douter, ic dis qu'ils doivent defrayer, pour leur propre interest, que vous soyez tousiours bien vnis & fortifiez, afin que vostre assistance leur soit vn prompt secours, puissant & assuré, qui ne leur puisse manquer quand ils en auront besoin.*

Les Roys de France & leurs Ministres se sont tousiours employez, pour persuader de conseruer la Paix & vnyion entre vous : & ce peut dire avec vérité, que l'Alliance de France est le plus propre & le plus ferme lien de vostre conjonction, & de vostre amitié, pour par ceste commune intelligence vous maintenir puissans & bien-heureux ensemble ; ce qui ne peut estre quand vous seriez separés & diuisiez.

Le Roy Louys XI. s'est employé pour composer les differents qui estoient entre vos illustres Predecesseurs & la Maison d'Autriche, & par son autorité & entremise, fut fait & cōclud le Traicté de la Ligue hereditaire avec l'Archiduc Sigismond, en l'an 1474. lequel depuis a été confirmé par ses successeurs, & dure encore à présent.

En l'an 1531. les cinq Cantons ayans quelque dissention avec ceux de Zurich, furent contraints contracter avec Ferdinand lors Roy des Romains, & depuis Empereur, frere de l'Empereur Charles V.

